

UGOVOR O KUPOPRODAJI MOTORNIH ULJA

Zaključen u Sarajevu dana 20-03-2017 godine.

I - UGOVORNE STRANE

Prodavac:

“HIFA – PETROL” d.o.o. Sarajevo, ul. Hotonj bb, 71 320 VOGOŠĆA, ID broj: 4200999090005 (u daljem tekstu: Prodavac), koga zastupa direktor Hajrudin Ahmetlić

Kupac:

KANTON SARAJEVO, Stručna služba za zajedničke poslove, ul. Reisa Džemaludina Čauševića br. 1 ID broj: 4200667410006 (u daljem tekstu: Kupac), koga zastupa načelnik Fikret Jašarević

II - PREDMET UGOVORA

Član 1.

Predmet ovog Ugovora je nabavka i isporuka motornog ulja i permanta, za potrebe Kantona Sarajevo u 2017. godini, u skladu sa ponudom broj: JN-4743/16 od 23.12.2016. godine, zaprimljene pod br. 17-14-34 od 04.01.2017. godine.

III - CIJENA I NAČIN PLAĆANJA

Član 2.

Ugovorne strane su saglasne da se cijene motornog ulja i permanta vežu za ponudu broj: JN-4743/16 od 23.12.2016. godine, zaprimljene pod br. 17-14-34 od 04.01.2017. godine (LOT 2) i iznose:

Red. br.	NAZIV ARTIKLA	Količina	Jed. mjere	Cijena po jed. mjere bez PDV-a	UKUPNO bez PDV-a
1.	MOTORNO ULJE 15/40	cca 20	litara	4,27	85,40
2.	MOTORNO ULJE 10/40	cca 15	litara	6,41	96,15
3.	MOTORNO ULJE 5/40	cca 10	litara	10,26	102,60
4.	MOTORNO ULJE 5/30	cca 10	litara	17,09	170,90
5.	MOTORNO ULJE 0/30	cca 10	litara	22,22	222,20
6.	MOTORNO ULJE 0/40	cca 10	litara	17,95	179,50
7.	PERMANT 100%	cca 300	litara	4,27	1.281,00

Jedinične cijene su fiksne i nepromjenjive i iste ne mogu biti predmet razgovora bez obzira na moguće promjene cijena na tržištu.

Član 3.

Ugovorne strane su saglasne da Kupac ima pravo izbora na kojim pumpnim stanicama (navedenim u ponudi i ugovoru) i u kojim količinama će preuzimati robe koje su predmet ovog Ugovora.

Član 4.

Plaćanje isporučenog motornog ulja i permanta vršit će se na osnovu ispostavljenih računa Prodavca, sa rokom plaćanja od **90 (devedeset) dana**, od dana ispostavljanja računa na jedan od transakcijskih računa otvorenih kod banaka, a koji je naznačen na računu.

IV – KVALITETA

Član 5.

Prodavac je dužan da obezbjedi zahtjevani kvalitet motornog ulja i permanta. Također, Kupac će preko svoje Tehničke službe kontinuirano pratiti kvalitet isporučene robe. Ukoliko dođe do isporuke motornog ulja i permanta koji ne zadovoljavaju traženi kvalitet u odnosu na ponuđeni i ugovoreni kvalitet robe, Kupac ima pravo zahtjevati zamjenu takve robe, a ukoliko se ne izvrši tražena zamjena može jednostrano raskinuti ugovor u roku od 24 sata.

V - NAČIN I ROK ISPORUKE

Član 6.

Isporuku motornog ulja i permanta Prodavac će sukcesivno isporučivati putem benzinski pumpi ili prodavnica na slijedećim lokacijama:

b/p – Hotonj bb – Vogošća;

b/p – Adema Buće bb – Buća Potok;

b/p – Rustempašina br. 38 – Ilidža;

b/p – Zabrdje bb – Rajlovac;

b/p – Put Mladih muslimana bb ("Hifa") – Bistrik

Član 7.

Prodavac je dužan da vodi evidenciju o preuzimanju motornog ulja i permanta u pismenom obliku, u minimalno dva primjerka, koji moraju biti potpisani od ovlaštene osoba. Ovaj dokument Prodavac dostavlja Kupcu zajedno sa ispostavljenim računom. Gore navedni dokument treba minimalno da sadrži slijedeće elemente: komercijalni naziv robe, količinu, cijenu i iznos, datum isporuke i potpis ovlaštene osobe Kupca koja je preuzela naftu i naftne derivate.

VI - TRAJANJE UGOVORA

Član 8.

Ovaj ugovor stupa na snagu danom potpisivanja i važi do 31.12.2017. godine, sa mogućnošću produženja od maksimalno godinu dana, pod potpuno istim uslovima.

VII - PRELAZNE I ZAVRŠNE ODREDBE

Član 9.

Ugovorne strane su saglasne da ukoliko se ne poštuju ugovorene obaveze iz ovog Ugovora, iste mogu jednostrano raskinuti ovaj Ugovor, pismenim putem uz otkazni rok od 15 dana.

Član 10.

Ugovorne strane su saglasne da će se sve izmjene i dopune osnovnog ugovora regulisati aneksima ugovora ili minimalno službenom zabilješkom ukoliko su predmet izmjene samo cijene Ugovora.

Službena zabilješka mora biti sastavni dio osnovnog Ugovora.

Član 11.

Ugovorne strane su saglasne da će sve nesporazume rješavati dogovorom, a ukoliko to ne bude moguće ugovara se nadležnost suda u Sarajevu.

Član 12.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

Prodavac
"HIFA PETROL" d.o.o. Sarajevo



Direktor

Hajrudin Ahmetlić

Kupac
Kanton Sarajevo
Stručna služba za zajedničke poslove



Načelnik

Fikret Jašarević

Broj:

673/12.

Datum:

20.03.2017.

Broj:

77-14-34415-31

Datum:

20-03-2017